



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-071-4/23**
Datum: **20.03.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „BEAT BH” d.o.o. Živinice za donošenje rješenja o vodnoj dozvoli za ispuštanje oborinskih onečišćenih voda, tehnoloških otpadnih voda i promet opasnih materija koje nakon upotrebe dopijevaju u vode sa lokacije pogona za proizvodnju i privremeno skladištenje anol eksplozivne materije sa pratećim objektima, izgrađenog u ulici Višća bb, općina Živinice, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „BEAT BH” d.o.o. Živinice, daje se vodna dozvola za ispuštanje oborinskih onečišćenih voda, tehnoloških otpadnih voda i promet opasnih materija koje nakon upotrebe dopijevaju u vode sa lokacije pogona za proizvodnju i privremeno skladištenje anol eksplozivne materije sa pratećim objektima, izgrađenog u ulici Višća bb, općina Živinice, na zemljištu označenom kao k.č. 1627/22 i 1627/20 (novi premjer) K.O. Živinice Gornje, općina Živinice.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „BEAT BH” d.o.o. Živinice, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu pogona za proizvodnju i privremeno skladištenje anol eksplozivne materije sa pratećim sadržajima u naselju Višća, općina Živinice, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa članom 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.5. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.6. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
- 3.7. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.8. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.10. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta, „BEAT BH“ d.o.o. Živinice, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „BEAT BH“ d.o.o. Živinice, zahtjevom broj: 04/2023 od 05.01.2023 godine se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda, tehnoloških otpadnih voda i promet opasnih materija koje nakon upotrebe dopijevaju u vode sa lokacije pogona za proizvodnju i privremeno skladištenje anol eksplozivne materije sa pratećim objektima, izgrađenog u ulici Višća bb, općina Živinice, na zemljištu označenom kao k.č. 1627/22 i 1627/20 (novi premjer) K.O. Živinice Gornje, općina Živinice.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra, matični broj subjekta upisa: 1-12557 od 27.01.2023 godine izdat od strane Općinski sud u Tuzli-ovjerena kopija,
- Uvjerjenje o poreznoj registraciji izdato 17.04.2009. godine, od strane Porezne uprave – Kantonalni ured Tuzla-ovjerena kopija,
- Rješenje o građevinskoj dozvoli broj: UPI/03-23-2-201/11 od 04.01.2012 godine izdato od strane Federalnog ministarstva prostornog uređenja,
- Rješenje o upotrebnoj dozvoli broj: UPI/03-23-2-274/13 MT od 11.12.2013 godine izdato od strane Federalnog ministarstva prostornog uređenja,
- Rješenje o odobrenju obavljanja poslova stacionarne proizvodnje ANFO eksploziva BOHEX 1 i BOHEX 2 broj: 10-12/8-04-9-558 od 05.02.2014 godine izdato od strane Federalnog ministarstva unutrašnjih poslova, Federalna uprava policije, Sarajevo,
- Rješenje o vodnoj dozvoli broj UP-I/25-3-40-715-4/17 od 08.01.2018 godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Rješenje o okolinskoj dozvoli broj: UPI 05/2-02-19-5/63/20 SC od 08.12.2020 godine, izdato od strane Federalnog ministarstva okoliša i turizma,
- Ugovor o čišćenju separatora i zbrinjavanju opasnog otpada broj: 662-01/2 od 06.09.2022 godine sklopljen sa „KEMEKO BH“ d.o.o. Lukavac,
- Prateći transportni list broj: 789-04/22 od 26.07.2022 godine o čišćenju separatora od strane „KEMEKO BH“ d.o.o. Lukavac,
- Izvještaj o monitoringu kvaliteta i kvantiteta otpadnih voda broj: G1/1/17, mart 2022. godine urađen od strane „TQM“ d.o.o. Lukavac,
- Rješenje o vodnoj dozvoli broj: 04/1-13-25-13238/18 od 05.06.2018 godine izdato od strane Ministarstva poljoprivrede, šumarstva i vodoprivrede Tuzlanskog kantona,
- Opći akt o održavanju, korištenju i osmatranju vodoprivrednih objekata i postupanju u slučaju kvara ili havarije na lokaciji pogona za proizvodnju i privremeno skladištenje anol eksplozivne materije sa pratećim objektima, izgrađenog u ulici Višća bb, općina Živinice.

B. Tehnička dokumentacija

- Glavni projekat vodovoda i kanalizacije za objekat za proizvodnju amonijumnitratne eksplozivne materije na bazi dizel ulja, urađen od strane „Zagrebinspekt“ d.o.o. Mostar ožujak/mart 2011. godine, (uvid prilikom uviđaja)
- Glavni projekat vodovoda i kanalizacije-dopuna projekta za objekat za proizvodnju amonijumnitratne eksplozivne materije na bazi dizel ulja, urađen od strane „Zagrebinspekt“ d.o.o. Mostar ožujak/mart 2011. godine, (uvid prilikom uviđaja)
- Glavni projekat vodovoda i kanalizacije-dopuna projekta II za objekat za proizvodnju amonijumnitratne eksplozivne materije na bazi dizel ulja, urađen od strane „Zagrebinspekt“ d.o.o. Mostar listopad/oktobar 2011. godine, (uvid prilikom uviđaja)

- Glavni projekat interne pumpne stanice broj: GP/PS/BŽ-01-03/16, mart 2016 godine urađen od strane „IGMG” - Institut za građevinske materijale i geotehniku, Tuzla (uvid prilikom uviđaja).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-071-2/23 od 13.03.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija na kojoj je izgrađen objekat „BEAT BH” d.o.o. Živinice se nalazi u ulici Višća bb, općina Živinice, na zemljištu označenom kao k.č. 1627/22 i 1627/20 (novi premjer) K.O. Živinice Gornje, općina Živinice.

U krugu predmetnog kompleksa nalaze se sljedeći sadržaji: upravna zgrada, portirnica, 7 magacina, jedan proizvodni pogon, objekat u kome se vrši servisiranje vozila i interna benzinska stanica i prostor na kome se vrši pranje vozila.

Osnovna djelatnost proizvodnog pogona ANOL (amonijumnitratne) eksplozivne materije na bazi dizel ulja je proizvodnja eksploziva. Kapacitet proizvodnje je cca 500 t/god sa mogućom tendencijom rasta proizvodnje.

Sirovine koje se koriste u proizvodnji anol eksplozivne materije su: nafta i njeni derivati, amonijum nitrat NH_4NO_3 , aluminijski prah, čađ, plastične mase i papir.

Na lokaciji predmetnog proizvodnog objekta je izgrađena interna benzinska stanica. Skladištenje nafte se vrši u ukopanom dvoplašnom rezervoaru zapremine 20 m³.

Podnosilac zahtjeva je izvršio uređenje prostora na kome se vrši pretakanje nafte i nafnih derivata i na taj način omogućio prikupljanje otpadnih voda.

Oborinske vode koje mogu biti zaučene naftnim derivatima sa prostora benzinske stanice i manipulativnih površina, te vode od pranja vozila su nivelacijom terena sprovedene do kanalice, linijskih rešetki i slivnika, iz kojih se kanalizacionim cijevima odvođe u separator ulja i masti na tretman. Prečišćena voda se preko okna za monitoring ispušta u bezimenu potok.

Podnosilac zahtjeva posjeduje okolinsku dozvolu broj: UPI 05/2-02-19-5/63/20 SC od 08.12.2020 godine, izdato od strane Federalnog ministarstva okoliša i turizma.

Izveštaj o ispitivanju kvaliteta otpadnih voda sa lokacije pogona za proizvodnju anol eksplozivne materije sa pratećim objektima broj: G1/22, mart 2022. godine urađen od strane „TQM” d.o.o. Lukavac, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Zbrinjavanje opasnog otpada se vrši od strane ovlaštene firme prema sklopljenom ugovoru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 21., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „BEAT BH” d.o.o. Živinice, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

ra Po ovlaštenju
Rukovodilac sektora za izdavanje
vodnih akata



W. P. S.
Haris Ališehović, dipl.inž.građ.

Dostaviti:

- „BEAT BH“ d.o.o. Živinice, Višća bb, 75270 Živinice
- ⊖ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo